



NEWSLETTER BR. 40

MAJ 2018

SADRŽAJ

FIPA AKTIVNOSTI ≡

- » SLOVENIJA 4. STRANI INVESTITOR U BIH
- » MINISTAR PRIVREDE TK U POSJETI FIPA-i
- » DELEGACIJA AMBASADE VIJETNAMA U MAĐARSKOJ U POSJETI FIPA-i
- » AFTERCARE SASTANAK U KOMPANIJ PHILIP MORRIS BH DOO SARAJEVO
- » FIPA: POTPISAN MEMORANDUM O SURADNJI SA SENATOM PRIVREDE U BOSNI I HERCEGOVINI
- » FIPA I OVE GODINE UČESTVUJE NA SAJMU MACFRUT U ITALJI
- » FIPA PREGOVARA S INVESTITORIMA NA BIZNIS FORUMU EBRD

POSLOVNE VIJESTI ≡

- » U ZVORNIKU OTVORENA FABRIKA ZEOCHEM
- » INDIA CHEM 2018 – 10. MEĐUNARODNI SAJAM I KONFERENCIJA HEMIJSKE I PETROHEMIJSKE INDUSTRIJE

FIPA AKTIVNOSTI ≡



SLOVENIJA 4. STRANI INVESTITOR U BIH-NOVOIMENOVANI AMBASADOR BIH U SLOVENIJI POSJETIO FIPA-U



MINISTAR PRIVREDE TK U POSJETI FIPA-I
-INTENZIVIRATI JAVNO-PRIVATNO PARTNERSTVO ZA STRANE INVESTITORE ≡





SLOVENIJA 4. STRANI INVESTITOR U BIH



Novoimenovani ambasador BiH u Sloveniji Slavko Vučurević posjetio je Agenciju za unapređenje stranih investicija BiH (FIPA) gdje je s direktorom Gordanom Milinićem razgovarao o trenutnoj privrednoj i investicijskoj suradnji između BiH i Slovenije.

G. Milinić je upoznao ambasadora Vučurevića o aktivnostima koje Agencija sprovodi na planu privlačenja stranih investicija u BiH, uspostavljanja kontakata s novim investitorima, te učešćem predstavnika Agencije na manifestacijama privrednog karaktera na kojima se predstavlja Bosna i Hercegovina i njeni potencijali za ulaganje.

Također je istaknuo značaj ekonomske diplomatije na polju promocije zemlje i privlačenja investicija, ističući da je FIPA uspjela animirati tokom dvije prethodne godine bh. ekonomsku diplomatiju na način da su počeli organizirati investicione konferencije na kojima se predstavljaju mogućnosti za ulaganje u BiH. Istaknuto je da je Slovenija uložila do sada 468 miliona eura u BiH, te da zauzima 4. poziciju na listu stranih investitora. U BiH posluje oko 500 slovenačkih firmi, koje zapošljavaju oko 15000 radnika. Prema registriranim iznosima kapitala, najznačajniji investitori iz Slovenije u BiH su: Mercator d.d. Ljubljana, Petrol Slovenska Energetska Družba d.d. Ljubljana, NLB d.d. Ljubljana, Droga Kolinska Živilska industrija d.d. Ljubljana, Cimos d.d. Avtomobilska industrija, Koper, Triglav INT d.d., Telekom Slovenije d.d. Ljubljana, itd.

FIPA i Ambasada BiH u Sloveniji će nastaviti raditi na organiziranju poslovnog foruma BiH-Slovenija koji bi trebao biti održan krajem 2018. godine s ciljem pronalaska novih investitora za BiH. Očekuje se angažman ambasadora na uspostavi suradnje s privrednicima i privrednim udruženjima Slovenije s ciljem nastavka trenda rasta slovenačkih investicija u BiH, te jačanja bh. izvoza.



MINISTAR PRIVREDE TK U POSJETI FIPA-I



Direktor Agencije za unapređenje stranih investicija BiH (FIPA) Gordan Milinić primio je delegaciju Ministarstva privrede Tuzlanskog kantona na čelu s ministrom Osmanom Puškarom kako bi razgovarali o nastavku uspješne suradnje na planu privlačenju stranih investicija u BiH.

S obzirom da Ministarstvo privrede trenutno radi na izradi novih investicionih projekata, dogovoreno je da svi novi projekti budu uvršteni u FIPA bazu projekata kako bi se intenzivno nudili stranim investitorima. Posebno je razgovarano o jačanju aktivnosti na planu implementacije Zakona o javno-privatnom partnerstvu (JPP) za koje u Tuzlanskom kantonu postoje usvojene zakonske odredbe.

Imajuću u vidu mogućnosti koje javno-privatno partnerstvo može ponuditi u smislu privlačenja i domaćih i stranih investicija u sektore poput : zdravstva, sporta, kulture, turizma, infrastrukture, te pružanja javnih usluga, intenziviranje primjene JPP će automatski otvoriti i nove šanse za rast investicija. Konstatirano je da zakoni o JPP još uvijek nisu doneseni na nivou FBiH i BiH, čime se umanjuju mogućnosti za angažman stranih investicija.

Na sastanku je također razgovarano o poslovnim i slobodnim zonama u BiH, pri tome ističući da značajan broj poslovnih zona u BiH nema osnovne infrastrukture za rad, te stoga ne mogu biti interesantne za poslovanje. FIPA i Ministarstvo privrede TK će zajednički raditi na implementaciji projekata, te je dogovorena zajednička aplikacija za jedan od projekata TAIX s ciljem definiranja kvalitetnih i primjenjivih zakona o javno-privatnom partnerstvu u BiH.



DELEGACIJA AMBASADE VIJETNAMA U MAĐARSKOJ U POSJETI FIPA-I



Predstavnici Ambasade Vijetnama u Mađarskoj, koja nerezidentno pokriva i Bosnu i Hercegovinu, Pham Van Cong, trgovinski savjetnik, Le Trọng Ha, politički savjetnik, te Tran Ngọc Ha, prvi sekretar, posjetili su Agenciju za unapređenje stranih investicija BiH (FIPA) kako bi se upoznali s mogućnostima privrede Bosne i Hercegovine, te mogućnostima za jačanje ekonomske suradnje između dvije zemlje, uključujući investicije i trgovinsku razmjenu.

Predstavnici nadležnih institucija u BiH Slavica Korica, pomoćnik direktora FIPA-e, Ognjenka Lalović, direktor Sektora privrede u VTK BiH, Zehra Selimović, šef Odsjeka za strana ulaganja Ministarstva vanjske trgovine i ekonomskih odnosa BiH, te Alma Tabučić, stručni savjetnik u Ministarstvu su upoznali goste s osnovnim zadacima i ciljevima nadležnih institucija na polju jačanja privrede BiH, te je održana i prezentacija o mogućnostima za ulaganja u BiH i predstavljene mogućnosti za unapređenje trgovinske razmjene između dvije zemlje.

Delegacija Ambasade Vijetnama upoznala je predstavnike BiH s osnovnim makroekonomskim pokazateljima Vijetnama i istakla stalni napredak njihove ekonomije i predstavila mogućnosti za unapređenje ekonomske suradnje dvije zemlje.

Prisutni su se suglasili da privrednici nemaju dovoljno informacija o mogućnostima suradnje, ali da postoje potencijali i da treba raditi na njenom unapređenju.



AFTERCARE SASTANAK U KOMPANIJI PHILIP MORRIS BH DOO SARAJEVO



Agencija za unapređenje stranih investicija u BiH (FIPA) nastavlja s provođenjem aktivnosti vezanih za pružanje postinvesticione podrške stranim investitorima u BiH. U skladu s tim, realizirana je posjeta kompaniji Philip Morris BH doo Sarajevo 18. maja 2018 godine s predstavnicima Kantona Sarajevo i Općine Novi Grad Sarajevo.

Kompanija Philip Morris BH doo Sarajevo je dio vodeće međunarodne duhanske kompanije Philip Morris International (PMI), koja u svom portfoliju ima 15 svjetskih brendova cigareta, među kojima je Marlboro, najprodavaniji brend u svijetu. U Bosni i Hercegovini kompanija egzistira punih 12 godina i zapošljava oko 100 radnika (direktno i indirektno).

Menadžer kooperativnih poslova kompanije g. Nedin Muratović je naglasio da kompanija aktivno pomaže razvoju lokalnih zajednica kroz realizaciju niza "Start up" projekata koji su fokusirani na otvaranje novih radnih mjesta, preduzetništvo, obrazovanje i nauku, a sve u cilju pokretanja i jačanja mladih ljudi kako bi ih motivirali da ostanu u svojim zajednicama i aktivno učestvuju u njihovom razvoju.

Na sastanku se takođe razgovaralo o budućim planovima kompanije, trenutnom poslovnom okruženju kao i o načinu unapređenja trenutnog stanja u duhanskoj industriji BiH.



FIPA: POTPISAN MEMORANDUM O SURADNJI SA SENATOM PRIVREDE U BOSNI I HERCEGOVINI



Predstavnici Agencije za unapređenje stranih investicija u Bosni i Hercegovini prisustvovali su inauguracionoj konferenciji Senata privrede u Bosni i Hercegovini koja je održana 11.05.2018. godine u Sarajevu. Tom prilikom je potpisan Memorandum o suradnji između dvije institucije.

Osnovna svrha ovog Memoranduma je da omogući i podstakne suradnju između strana potpisnica, kao i visok nivo implementacije zajedničkih aktivnosti s ciljem zajedničkog doprinosa ekonomskom razvoju države. Generalni sekretar FIPA-e, Maida Bećirović, učestvovala je na panel diskusiji na temu Dunavska ekonomska regija i prilike za kompanije i privredu Bosne i Hercegovine, na kojem su učestvovali i Erhard Busek, predsjednik Senata Austrije i Zara Halilović, predstavnik Direkcije za europske integracije Bosne i Hercegovine.

Senat privrede u BiH će biti dio mreže Senata privrede Europe, koji broji preko 260,000 članova, a samo neki od počasnih članova su Angela Merkel, Sebastijan Kurc, papa Franjo i ostali. Osnovni cilj osnivanja Senata privrede u BiH je da on postane važan most razvoja privrednih i prijateljskih odnosa privrednika iz BiH s privrednicima iz mreže Senata privrede Europe.

Suradnja FIPA-e sa Senatom privrede u BiH je još jedna prilika za promociju investicionih projekata BiH i privlačenje investitora.



FIPA I OVE GODINE UČESTVUJE NA SAJMU MACFRUT U ITALIJI



Agencija za unapređenje stranih investicija u BiH (FIPA), zajedno sa 40 predstavnika iz 22 bh. kompanije, je učestvovala na međunarodnom sajmu voća i povrća Macfrut 2018, koji je održan od 9. do 11. maja. 2018. godine, u Riminiju, Italija.

Predstavnici FIPA-e i bh. kompanija su ostvarili uspješne kontakte s izlagačima na sajmu iz Italije, Kine, Španije, Francuske, Egipta, Kolumbije i drugih zemalja s ciljem predavljanja mogućnosti BiH u poljoprivrednom sektoru, s fokusom na proizvodnju voća i povrća, te uspostavljanja poslovnih kontakata radi pronalaska novih tržišta za plasman bh. voća i povrća.

FIPA je također prezentirala stranim poslovnim partnerima mogućnosti za proizvodnju voća i povrća u Bosni i Hercegovini, i prednosti bh. poljoprivrednog sektora za strane investitore, kao i usluge koje Agencija nudi stranim investitorima u BiH.

Ovogodišnjem, 35. Međunarodnom sajmu Macfrut 2018, koji je jedan od najvećih poljoprivrednih sajmova u Italiji, prisustvovali su izlagači iz 40 zemalja svijeta.



FIPA PREGOVARA S INVESTITORIMA NA BIZNIS FORUMU EBRD



Delegacija FIPA-e na čelu s direktorom Gordanom Milinićem učestvuje na Biznis forumu u okviru 27. godišnjeg zasjedanja EBRD-a koji se ove godine održava u Jordanu.

Biznis forum okuplja visoke državne zvaničnike, vodeće finansijske i korporativne direktore, investitore, predstavnike privrednika i poslovnih udruženja.

Delegacija FIPA-e vodi intenzivne razgovore s potencijalnim investitorima i predstavlja investicione mogućnosti Bosne i Hercegovine i atraktivne investicione projekte.

Bosna i Hercegovina također ima i promotivni štand gdje se svim zainteresiranim učesnicima pružaju informacije i distribuiraju promotivni materijali s ciljem sto kvalitetnijeg predstavljanja zemlje.

Bosna i Hercegovina će biti domaćin narednog godišnjeg zasjedanja EBRD-a koje će se održati u maju 2019. godine u Sarajevu.

FIPA POSLOVNE VIJESTI ≡



OLIP ZAPOČINJE PROIZVODNJU U DONJEM VAKUFU



INDIA CHEM 2018 – 10. MEĐUNARODNI SAJAM I
KONFERENCIJA HEMIJSKE I PETROHEMIJSKE INDUSTRIJE ≡





U ZVORNIKU OTVORENA FABRIKA ZEOCHEM



Fabrika Zeochem za preradu zeolita i hromatografskih gelova, u čiju izgradnju je uloženo više od devet miliona švicarskih franaka, otvorena je u Zvorniku.

Švicarska firma Zeochem, koja je dio grupacije Chemie + Papier Holding, je pustila u pogon sve proizvodne linije novoizgrađene fabrike u Zvorniku.

Nova fabrika trenutno zapošljava 39 radnika.



INDIA CHEM 2018 – 10. MEĐUNARODNI SAJAM I KONFERENCIJA HEMIJSKE I PETROHEMIJSKE INDUSTRIJE



Vlada Indije, Odjel za hemijsku i petrohemijsku industriju u suradnji s Federacijom privrednih komora Indije (FICCI) organizira 10. Bijenale India Chem od 4. do 6. oktobra 2018. godine u Bombajskom izložbenom centru, kompleksu NSE, Goregaon, Mumbai , Indija.

India-Chem je jedan od najvećih mješovitih događaja prezentiranja hemijske i petrohemijske industrije azijsko-pacifičkog regiona.

Događaj se sastoji od međunarodnog sajma i konferencije predstavnika globalnih učesnika iz različitih srodnih oblasti.

Posljednji sajam "India Chem" održan je od 1. do 3. septembra 2016. godine u Mumbaiju i okupio je 282 izlagača iz oblasti proizvodnje, pratećih djelatnosti, te krajnjih korisnika. 146 međunarodnih učesnika iz 23 zemlje, 136 nacionalnih učesnika i 16.162 poslovnih posjetilaca iz različitih zemalja. Iran je bio zemlja partner India Chem 2016.

Informacije o događaju dostupne su na <http://www.indiachem.in>



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA